

**BOSNA-SUNCE OSIGURANJE d.d. Sarajevo, Podružnica Sarajevo, ul. Trg međunarodnog prijateljstva br.20, Sarajevo, koju zastupa direktor Podružnice Alen Hujčić (u daljem tekstu: OSIGURAVATELJ)**

**FAKULTET SPORTA I TJELESNOG ODGOJA U SARAJEVU, ul. Patriotske lige br.41, koje zastupa dekan fakulteta, pr.dr Nusret Smajlović (u daljem tekstu: UGOVARATELJ OSIGURANJA)**

dana 22.04.2017. godine u Sarajevu, zaključili su slijedeći

## U G O V O R

### O PRUŽANJU USLUGA OSIGURANJA UPOSLENIKA OD POSLJEDICA NESRETNOG SLUČAJA - NEZGODE

#### I PREDMET UGOVORA

##### Član 1.

Predmet ovog Ugovora je pružanje usluga:

- Kolektivnog osiguranja svih uposlenika - UGOVARATELJA OSIGURANJA-OSIGURANIKA od posljedica nesretnog slučaja (nezgode) pri vršenju i van vršenja redovnog zanimanja tokom 24 sata bez vremenskog i prostornog ograničenja.

#### II OSIGURANJE ZAPOSLENIKA

##### Član 2.

Osiguranje po ovom Ugovoru pokriva posljedice nesretnog slučaja-nezgode, za smrt usljed nezgode, smrt usljed bolesti, trajni invaliditeta, troškovi liječenja i dnevna naknada za boravak u bolnici, nastalih nad svim uposlenicima UGOVARATELJA OSIGURANJA pojedinačno.

Osigurani slučaj podrazumjeva iznenadni, nepredviđeni i od volje osiguranika nezavisni događaj koji se desi pri vršenju i van vršenja redovnog zanimanja, tokom 24 sata bez vremenskog i prostornog ograničenja, tj. OSIGURAVATELJ se obavezuje da će UGOVARATELJU OSIGURANJA-OSIGURANIKU isplatiti naknadu štete ako štetni događaj ima za posljedicu:

◆ Smrt usljed nezgode/nesretnog slučaja	60.000,00 KM
◆ Smrt usljed bolesti	8.000,00 KM
◆ Trajni invaliditet	120.000,00 KM

◆ Troškovi liječenja usljed nezgode	2.000,00 KM
◆ Dnevna naknada za boravak u bolnici	10,00 KM

### Član 3.

OSIGURAVATELJ se obavezuje da će korisniku osiguranja za ugovoreno kolektivno osiguranje, u skladu sa odredbama Općih i Dopunskih uvjeta za osiguranje lica od posljedica nesretnog slučaja/nezgode i Tablice za određivanje postotka trajnog invaliditeta kao posljedice nesretnog slučaja/nezgode, isplatiti:

- Osigurane sume za slučaj smrti, ukoliko je uslijed nezgode/nesretnog slučaja nastupila smrt korisnika;
- Osigurane sume za slučaj smrti uslijed bolesti;
- Osigurane sume za slučaj trajnog invaliditeta;
- Osigurane sume za troškove liječenja i
- Osigurane sume za naknadu dnevnog boravka u bolnici

Opći i Dopunski uvjeti za osiguranje lica od posljedica nesretnog slučaja/nezgode, Tablica za određivanje postotka trajnog invaliditeta kao posljedice nesretnog slučaja/nezgode i Izmjene i dopune Općih uvjeta za osiguranje osoba od posljedica nesretnog slučaja/nezgode čine sastavni dio ovog Ugovora.

### Član 4.

Za osiguranje uposlenika od posljedica nezgode/nesretnog slučaja izdat će se jedna polica u kojoj se navodi broj osiguranih osoba i ista čini sastavni dio ovog Ugovora.

Spisak sa brojem i imenima uposlenika, pripremit će UGOVARATELJ OSIGURANJA i isti odmah dostaviti OSIGURAVATELJU.

Broj osiguranog osoblja može biti promjenjiv. Ukoliko dođe do eventualnih promjena u istom UGOVARATELJ OSIGURANJA će OSIGURAVATELJU prije početka mjeseca dostaviti brojčano stanje, što će predstavljati osnovicu za obračun premije osiguranja osoba za taj mjesec.

## III PRAVA I OBAVEZE UGOVORNIH STRANA

### Član 5.

UGOVARATELJA OSIGURANJA se obavezuje:

- Dostaviti odmah broj i spisak uposlenika (brojno stanje);
- U slučaju nastupa osiguranog slučaja poduzeti sve mjere u okviru mogućnosti za zaštitu uposlenika;
- Nakon nastupa osiguranog slučaja obavijestiti OSIGURAVATELJA o istom, uz dostavu svih podataka kojima raspolaže, a koji se odnose na utvrđivanje uzroka osiguranog slučaja;

- Ukoliko dođe do eventualnih promjene broja uposlenika, UGOVARATELJ OSIGURANJA dužan je odmah OSIGURAVATELJU dostaviti podatke o promjenama, na osnovu kojeg će OSIGURAVATELJU izdati fakturu.

#### Član 6.

OSIGURAVATELJ se obavezuje:

- Na osnovu pripremljenih i dostavljenih spiskova izraditi i uručiti policu osiguranja UGOVARATELJU OSIGURANJA;
- Obavijestiti UGOVARATELJA OSIGURANJA o svim promjenama koje mogu uticati na uslove osiguranje uposlenika ,
- Isplatiti nastalu štetu u roku ne dužem od 24 (dvadesetčetiri) sata od momenta kompletiranja dokumentacije potrebne za utvrđivanje pravne osnovanosti i visine odštetnih zahtjeva.

Obaveze OSIGURAVATELJA po osnovu osiguranja nastupaju izdavanjem police u kojoj su navedene osigurane svote za svaki od rizika iz člana 2. ovog Ugovora.

### IV PREMIJA OSIGURANJA

#### Član 7.

Ugovorena premija osiguranja po uposleniku iznosi **6,55 KM** mjesečno odnosno, premija osiguranja na godišnjem nivou iznosi **78,60 KM** po uposleniku.

### V USLOVI I NAČIN PLAĆANJA

#### Član 8.

Plaćanje ugovorene premije osiguranja iz ovog Ugovora će se vršiti na slijedeći način:

- OSIGURAVATELJ će UGOVARATELJU OSIGURANJA ispostaviti fakturu, u skladu sa izdatim policama osiguranja do cjelokupnih iznosa osiguranja iz ovog Ugovora;
- UGOVARATELJ OSIGURANJA se obavezuje ugovorenu premiju osiguranja plaćati kvartalno.

### VI PRIJELAZNE I ZAVRŠNE ODREDBE

#### Član 9.

Ovaj Ugovor se zaključuje na period od godinu dana počev od 22.04.2017. godine, sa mogućnošću produženja.

Ukoliko se jedna od ugovornih strana ne pridržava odredbi ovog Ugovora, druga ugovorna strana ima pravo na raskid ovog Ugovora pisanim putem uz otkazni rok od 30 (trideset) dana.

Ugovorne strane su saglasne da će u i slučaju otkaza dovršiti sve započete poslove nastale u vremenskom periodu važenja ovo Ugovora i izvršiti sve međusobne obaveze koje su preuzele prije isteka ili otkaza ovog Ugovora.

Ugovorne strane se obavezuju da će sve podatke koji se odnose na međusobno poslovanje, kao i podatke o poslovanju jedne od ugovornih strana, čuvati kao poslovnu tajnu, utvrđenu obostranim dogovorom.

U cilju unapređenja poslovnih odnosa, tokom trajanja ovog Ugovora ugovorne strane mogu odredbe Ugovora mijenjati, dopuniti ili druge poslove regulirati sporazumno putem Aneksa ovog Ugovora, ili putem posebnih Sporazuma, s tim da sve promjene proizvode pravni učinak ako su sklopljene u pisanom obliku i ovjerene od strane nadležnih prestavnika ugovornih strana.

#### Član 10.

Ugovorne strane su saglasne da sva eventualna sporna pitanja rješavaju sporazumno, a u slučaju spora ugovara se nadležnost stvarno nadležnog suda u Sarajevu.

#### Član 11.

Ugovorne strane su ovaj ugovor pročitale i razumjele, te ga u znak prihvatanja svojeručno potpisuju.

#### Član 12.

Ovaj Ugovor je sastavljen u (4) četiri istovjetna primjerka od kojih svaka strana zadržava po (2) dva.

**BOSNA-SUNCE OSIGURANJE d.d.**  
Podružnica Sarajevo

Direktor Podružnice  
Alen Hujic

Broj: 17533105



**FAKULTET SPORTA I  
TJELESNOG ODGOJA U SARAJEVU**

Dekan fakulteta  
pr.dr Nusret Smajlović

Broj: 01-1617/17

25-04-2017

